



論事卷之四

有等無耻之徒前因居官不律為事革職為民一

繁援例在京揭借銀兩納草進馬意圖復任剝取

民財以償前債近該吏部題准照依知府駱暹

事例致仕此固能革其尅民償債之弊然於名爵

之重尤不可不惜夫朝廷之名爵所以待天下

皇明名臣正議大夫資治尹吏部左侍郎謚文莊崑山葉公存

奉議大夫同知衛州府事廕孫葉夢洪刊行

西垣奏草卷之四

皇明名臣正議大夫資治尹吏部左侍郎謚文莊崑山葉公存

奉議大夫同知衛州府事廕孫葉夢洪刊行

乞重名爵

題為慎重名爵事該戶部奏准許令客商人等進納

草束并馬匹等項給與冠帶以榮終身臣等看得

有等無耻之徒前因居官不律為事革職為民一

繁援例在京揭借銀兩納草進馬意圖復任剝取

民財以償前債近該吏部題准照依知府駱暹

事例致仕此固能革其尅民償債之弊然於名爵

之重尤不可不惜夫朝廷之名爵所以待天下



之賢者甚不輕也革職爲民之人或任二品三品重職已蒙欽發爲民一旦納草進馬用銀止該一百餘兩遂得以原職致仕而回腰金衣紫炫耀鄉閭視其前日罪惡泯無形跡且官至大夫秩高品貴其在任也必有以爲廢司之法則其在鄉也必有以爲後輩之儀刑今以冒罪之身援引客商之例乃得致仕而還豈惟不足爲懲勸獎勵之道適足以長無耻倖進之風乞

勅該部今後合無革職之人曾犯貪暴罪名及過惡深重者不許援引納草進馬等項事例希以冠帶玷辱名爵惟復但係爲民官員納草進馬等項者止

同常人一體冠帶不許以原職致仕臣等職當言路事干名爵不容自默謹題請

旨

景泰元年三月十四日

乞杜倖進

題爲搜訪人材等事先該右副都御史羅逋題乞令公侯伯都督尚書侍郎都御史給事中御史郎中主事及五府經歷等官各舉可使佐謀遊說等項人員考驗錄用以資軍用等因奉

聖旨是着兵部會同多官舉保欽此欽遵續該巡按直隸御史方員題乞令大臣詢察過誤謫降等項曾經

宥罪及曾守邊禦寇之人一体擢用等因該吏部
官覆奏奉

聖旨是着多官人每舉欽此欽遵後又該御史畢鸞等
陳言吏部會官議擬行移在京五品以上及近侍
風憲官員所舉克軍爲民文職官員具實跡才行
保送法司查勘果無贓私及才識可用送部奏請
量授職事等因具奏奉

聖旨是欽此欽遵臣等已知

皇上聽言用人立賢無方天地之德也近又該給事中
翟敬等陳言該吏部議擬今後但係失機誤事酷
暴貪濫犯人命贓罪問擬明白克軍爲民謫降者

俱不許舉保務在明白開寫某人長於某事會驗
得實然後進用等因具奏奉

聖旨是欽此欽遵臣等有以知

皇上去邪遠奸慎重名爵日月之明也臣等看得吏部
奏准失機等項人員不許舉保等項委的允愜
公論但止是吏部奉行於方員畢鸞所奏項下緣
兵部未經知會其羅逋所奏起內所舉人員恐又
蹈襲舊弊未免濫進苟容非惟無補於時實是有
乖治体乞

勅兵部通行各衙門其不許舉保失機貪酷等項人員
及開寫所長一依吏部事例仍令所舉諸色人中

除原係軍民人等外果有原係職官爲事發遣者務要備開彼先歷官爲事并

聖旨發落緣由送部會官看詳允當然後類奏考驗定奪但所舉不公不當者竝坐以罪不許曲爲親故以啓群小希求進用之門因而作弊有孤朝廷聽言用人之意庶得事例得以通融治体未爲正當謹題請

旨

景泰元年三月二十三日

劾協贊邀功

題爲隨征報効事該協贊軍務右僉都御史馬恭題前事在邊年久無人跟隨遇警缺人扶助失所乞將今贈監察御史保定左衛右所軍人故父馬榮姓名開豁見後神機營操備親弟馬讓調撥陝西都司綏德衛定所食糧緣係開調軍役及臣家事等因具本差人該兵部官欽奉

聖旨兵部知道欽此欽遵參照都御史馬恭叨膺協贊委任非輕禦捍之績未聞糾正之風不振時方多事乃敢言私開豁故父軍籍意圖脫免自調親弟軍衛專擅難容况且旣知家事又不行陳情具奏却乃具題差人齎捧似此狂妄無知俱屬違法合當拿送法司明正其罪以警將來緣馬恭係邊境

協贊京官未敢擅便謹題請

旨

景泰元年三月二十四日

劾將臣失機

題爲糾劾事切照雲南等處殺賊左副總兵都督僉事張軌先奉

上皇之命叨典討賊之兵柰何本官先征麓賊旣不能擒遺孽以靖邊方後調貴州又不能殄苗蠻以安黎庶失機悞事豈止一端玩寇殃民有非一日師行三載全無寸功及訪得本官悻悻自用視總帥如無人碌碌苟延置瘡痍而弗恤所至多被其騷

擾賊徒愈見其擾攘旣無捍禦之勲乃有跋扈之跡先該靖遠伯王驥奏伊失機等情未蒙明正其罪今本官已到臣等於景泰元年四月初六日大班劾奏謹具題

知

景泰元年四月初五日

乞脩人事以消天變

題爲脩省拜患事切見今日四方多事兩京多災天時人事甚爲可慮推原其由召災致變皆出於人伏惟

皇上自登大寶以來求治拳拳無有失德然災變之作

未弭而方殷者蓋亦文武群臣之罪也何則古者君臣合德然後上可以事天下可以安人今日國家禍變以來百官之衆各脩其職尚未有聞然百官固爲可罪而其罪尤在大臣尤在臣等臺諫之臣蓋大臣尸素而無補臺諫緘默而不言故上不足以回天命下不足以慰人心災變之來良有以也臣等雖至愚昧敢不自劾伏乞

皇上至公大斷明正百官之罪如以爲百官衆多不忍濫及乞將保傅公侯駙馬伯都督尚書侍郎都御史卿少卿寺丞等官及臣等給事中并御史各照品第降其爵秩停支俸廩使各脩省改悛俟災變

消熄之日各仍其舊伏望

皇上側身脩德德雖愈盛而所脩愈嚴庶幾天命可回人心可附轉禍而爲福易危而就安矣臣等不勝戰慄伏闕待罪之至

景泰元年四月初七日

乞重臺諫關防

題爲防微杜漸事照得本科職該收掌兵政軍情等項一應奏題本狀例該各衙門屬官通政司首領官赴內府接出隨即送科堂上官批寫

旨意本科收發抄行已是定例近看得有等不識大体不知干係官員接出本狀不即送科於直房或於

西華書局影印
六
闕左等門下恣意迂延抄寫

旨意報出者有全寫奏詞報出者甚至有別衙門官員明知不係相關事情窺伺打聽私自漏泄報出者况即今邊方有事之時奏章日至多係賊人聲息機務緊急重情其各官抄寫之時傍觀豈無吏典校尉人等或公差奏事之人中間無知之徒一見聲息不顧輕重虛實輒便出外虛傳妄說搖惑人心深為未便若不申明禁約干係實在臣等伏乞聖斷申明禁約不許再犯通令各衙門知會今後如有此等不識大体不知干係官員似前不法許臣等指名劾奏拿問再照吏科等科所典選法刑名等項俱係重務亦有此弊合無一体禁約庶使人知遵守事無漏泄謹題請

旨

景泰元年四月初九日

通融措置軍儲

題為陳言固安邦本事該戶部官欽奉

聖旨如今虜寇在邊打攪軍民不得耕種又兼旱澇相仍輸運艱難軍民缺食的多天下軍民客商人等多有殷實尚義之家欲為國効忠為民賑濟的因朝廷不曾有明文都無由而進恁部裏使出榜遍行各處張掛曉諭多人知道但能自備糧米草束

送赴所定倉分納官以備軍餉及賑濟民的不拘
大米小米小麥都與冠帶以榮其身所司具實來
聞今後定與他則例允於順天等八府及貴州四
川陝西山西遼東不用兵處納的每名四百石廣
西福建雲南不用兵處每名五百石湖廣廣東不
用兵處每名一千二百石河南山東江西南直隸
府州并浙江杭州等七府之人赴京來的都着於
京倉每名納米五百石或穀草四千束禾草六千
束赴有賊生發用兵處如大同宣府每名納米二
百五十石或穀草二千束秋青草三千束大同宣
府貴州之人於本地有賊生發用兵處每名納米
一百五十石湖廣福建廣東并浙江處州温州金
華衢州四府之人於本地有賊生發用兵處每名
納米四百石但得一半的都與勅旌異他量免差
役其在京納米納草之人不許刁詐之徒挾讎將
原籍詞訟赴京告言其罪以致阻納糧草攪擾官
府有這等的着錦衣衛五城兵馬拿欽此欽遵訪
得軍民客人等其中多有孝義子孫思念家道之
豐裕由於父祖之成立有身被光榮而更欲爲其
父祖圖者有其身不暇而惟欲爲父祖榮者然其
父祖身已亡歿者有之或老病在家不能赴京及
赴輸納所在者有之以此徒有効忠賑濟之心而

未能遂其陳情孝親之願近者雖有自陳親在原籍情願倍納草束照例冠帶者然不係通例未經明文曉諭其前項孝義之人僻處鄉閭不相聞知無由而進乞

勅該部一体出榜曉諭今後此等軍民客商人等欲爲其父祖伯叔兄弟輸納乞恩者竝許其親嫡子孫弟姪告送該部及所在官司陳告所司即便照依聖旨榜文所定則例仍照倍納事例如數收納完足一体奏請冠帶旌異免役其亡歿者所司立牌墓道追旌義民其納馬之人合無亦照此例施行再照禁約阻納糧草刁詐之徒一節誠恐納馬之人

亦有此弊合無一体禁約如此將見在在勸於効忠人人樂於趨義國用以足奸弊以蠲實爲便益

謹題請

旨
景泰元年四月十七日

勅憲臣撫民怠直

題爲奸懶等事該巡撫河南等處左副都御史王來

題先該節奉

勅諭命臣巡撫河南并湖廣襄陽黃州等府接連河南地方撫安軍民提督所在都司衛所操練軍士整朔器械脩理城池遇有賊寇生發即調官軍相機

勦捕嚴督所在司府州縣存恤人民遇有流移飢
窘設法招撫安插賑濟欽此欽遵外今照湖廣見
有大理寺卿蔡錫在彼巡撫所據前項二府衛軍
民事情係湖廣三司承行管理臣欲仍前提督未
免文移重複所司難以遵行誠恐彼此不專責無
所歸等因具本差人該通政使司官奏奉

聖旨湖廣地方只看蔡錫管理欽此欽遵臣等切惟方
今多事之時湖廣苗蠻未靖惟河南幸而年豐穀
賤得以稍寧然地方重大實爲中原要害之地西
接潼關南連襄陽黃州等府其二府地方切近河
南南陽府地方亦相連竈君等山草竊不虞之地恐

流民積聚動以萬計一或飢荒利害難保而襄陽
又係王府所在關係不輕先該兵部爲見前項府
分地方雖隸於湖廣干係實重於河南奏

准請勅將湖廣襄陽黃州等府聽河南巡撫官提督
整理誠爲處置停當經久遠圖王來爲國大臣膺
茲重任自合夙夜盡心所事屢幾少圖報稱柰何
陳今揆詐懷私推奸利已輒以襄陽等府推托湖廣守
巡差臣朦朧上言惑瀆

天聰避難方命罪不容誅及訪得王來自去年秋領
命以來經今八月有餘惟是安坐開封府城內享有妻
妾之奉恣逞輿服之華不以民事爲心罔思委託

之重止因去年冬
皇上聖明念及南陽府裕州等處流民衆多欠歛切近
欽差內官阮池等
欽差內官阮池等

勅令王來會同安撫纔僅一至裕州隨即回家又一次
往河南等府亦不久回家其潼關自圖
欽調伊府官軍前去操練以來並不曾前去躬親提督
其南陽府并襄陽黃州等府足跡未曾一至臣等
切詳河南一方即今雖曰稍寧然流移叢聚豐歉
不常軍民地方深爲可慮王來以巡撫大臣似此
縱恣偷安何以正人律下官吏之賢否軍民之休

戚地方奸宄之有無何從而知之緩急之間豈能
濟事今又似此朦朧奏請推托利害巧爲牽強
之曲說遂其奸懶之私謀律以至公實切容恕又
照湖廣地方最爲寬闊極南辰沅等府軍事方殷
即今永州又奏賊情今若又將襄陽等止令蔡錫
管理切恐有誤事機伏望
皇上至明剛斷將王來拏送法司明正其罪以爲巡撫
奸懶之戒仍選廉勤簡靜大臣一員前去代替巡
撫照舊提督襄陽黃州等府實爲允當臣等職當
言路苟有所知不敢隱默况且事關一方利害知
而不言則罪在臣等謹題請

旨

景泰元年四月十九日

勅圖便等

題為糾劾事嘗謂事君而欺君者大臣之大惡受

命而方命者國典之嚴條罪惡既形章條必正切照寧

遠伯任禮三千主帥一介武夫見若甕天豈有經

營之畧才同鞞線本無統馭之長誤蒙

列聖之眷知幸預五等之名爵恩齊海嶽報乏涓塵鎮

守甘肅者已餘十年曾何寸補濫叨總兵者亦非

一日罔効微勞方當用武之秋累上稜闕之疏

皇上憫其請而俯垂眷念擇其人以代替回京何期歸

列朝行乃顯意圖安逸既乏衰邁之實又無恬退

之心副都御史劉廣衡特言其可用昌平侯楊洪

等會薦以督操欺罔之跡漸呈夤緣之情已著

皇上不忍明言其罪冀其尚効馳驅命之以總營委之

以重寄包涵已過寬貸良多適因兵部上言令其

巡守關隘加之軍馬以重其事授之

制勅以崇其名正臣子効力之年實朝廷用人之際

柰何任禮不圖盡忠以報自國乃敢臨事而避難

逗遛私家朦朧奏請尚欲苟求便利復以年老

命莫甚於斯臣等切惟

命令者

天子之大權刑罰者

祖宗之常憲令出惟行而方命者殺無赦將則必誅而

欺君者無上刑况今國家多事之時尤嚴臣子

尊君之禮今照任禮狠悞自用蹇傲不恭無事則

偷安恣貪榮而弗上有事則稱老敢逆命以不行

欺罔難容跋扈可畏若不痛治於既犯何以顯示

乎多人合將任禮等送法司明正其方命之罪在

等欲於景泰元年四月三十日大班劾奏謹具題

知

西垣奏草卷之四

西垣奏草卷之五

皇明名臣正議大夫資治尹吏部左侍郎謚文莊崑山葉公存稿

奉議大夫同知衡州府事廕孫葉夢淇刑行

糾劾邊將橫暴

題為糾劾事嘗謂官資貴顯乃法禁之所當先罪惡

貫盈實刑章之所不宥切照中軍都督府右都督

楊俊器非重厚德本凶邪素乏鷹揚之名幸際龍

飛之運高爵連封於父子世官旁及於弟兄恩寵

莫倫光榮罕比柰何楊俊不思補報乃爾怙終暴

橫冥頑而權豪以自居強梁跋扈而法度之罔顧

貪財好名靡所不為害軍毒民何所不至自用大

棍則指揮單禎等之被辱無辜懷挾私讎則都指
揮陶忠之死非其罪舜術弄知矜已驕人交結威
權而拜奸臣王振爲親父蔑視同列而待朱謙紀
廣如嬰兒心有同於鷓鴣行不異於豺狗致被陶
忠之妻男奏告發露行該各人之軍伴結證詳明
况有交通奸惡之情以及結交胡虜之意總督等
官旣交章而陳奏巡撫等官復体勘以相同似此
不道不忠論法豈宜容恕及照楊俊先守獨石等
處其惡不可勝言牛馬成群莊田彌望私役軍士
知幾百千掊取金銀動以萬計下人之膏血竭盡
邊方之備禦何存一旦逆賊犯邊輒棄十一城堡
倉厥蓄積委之而在逃軍民家資乘機而擄掠以
致喪師失律辱國陷君求厥愆尤殺戮非過言其
名字痛恨曷勝後蒙

皇上念其因人成事之微勞加以都督叅將之重任乃
復擅自調弄求寧軍馬又令砌塞邊境城池欺天
欺人有非一日作威作福何止一端給事中金達
劾之於前奉御黃整言之於後俱蒙

皇上宏天地之大德置山海之深愆今却不務改悛以
贖前罪仍復驕縱打死將臣跡其所爲死有餘罪
昨因伊父楊洪陳其過惡 欽取到京臣等切聞
怙終賊刑著之舜典除惡務本載之周書况以刑

罰之行勸懲所繫恩威之下予奪斯存威必嚴於小人然後可以愜公論罰必先於權貴然後足以服人心今楊俊受恩孤恩得寵怙寵貴顯已極罪惡已深此而不誅何以示戒合將楊俊拏送法司明正典刑以爲人臣稔惡不悛之戒緣係應議官員未敢擅便謹具奏聞伏候

勅旨

景泰元年五月初二日

乞試將才

題爲用人事先該巡撫大同宣府副都御史羅亨信等薦送到山西汶水縣民人霍寅并本人所著八

陣圖詭隨繳具本差人伴送正統十四年九月十五日該通政司奏奉

聖旨該部同武清伯考試來詭欽此經今月餘未見定奪臣等訪得多人詭稱霍寅委的謀識優長才堪馭衆且其所陳戰車之詭實有可行盛名之下恐無虛士臣等切惟今日多事之際朝廷累降

詔旨招徠異才未見其人有如霍寅倘蒙采錄則安知海內豪傑之士抱負忠義卓有才能之過於寅者豈有不至者乎乞勅兵部會多官將霍寅公同從實審驗如果可用有非泛泛之比伏乞

聖斷授以職事或令其於緊急去處參贊謀議或令統

軍禦賊責其成功如此則庶可以無遺才之嘆且
有以來天下之賢緣係請

命考驗用人事理謹題請

旨

景泰元年五月初八日

不許邊將擅作威福

題爲陳言事該兵部掌部事少保兼本部尚書于謙
等題前事禮科抄出山西道監察御史胡端題一
件委良將以肅軍令蓋將必得其人而貴乎嚴兵
不在冗而貴乎精臣觀巡撫山西右副都御史朱
鑑所奏兵貴練而不貴多戰貴速而不貴久若軍

令不嚴練習無法縱雖百萬何益之有用之守城
不過食糧互相欺詐而已用之禦寇不過追走自
相揉殺而已訪得大同見有都指揮二十餘員俱
在一城守備乞

勅文武大臣從長計議將沿邊渾朔等州山縣各委都
指揮一員統領馬步官軍民壯一千或二千就彼
操備各守地方其敢勇當先斬首生擒者就行照
例陞賞調征臨陣先退者許令便宜殺罰以警軍
壯以肅兵威此言誠有可取伏願

皇上俯納其言舉而行之本官奏奉

聖旨該衙門看欽此欽遵查得先該朱鑑題前因本部

聖旨為照刑罰者

朝廷之典威福者

天子之柄若各州縣守備都指揮俱各自專刑罰則是威福恣肆權移于下誠恐賞不及於有功刑不加於有罪徒沮士氣反致壞事合行大同總兵鎮守叅謀叅將等官定襄伯郭登等如遇率領官軍人等勦殺賊寇將有功之人逐一明白具奏照例陞賞其有臨陣退縮在逃者就於軍前照例軍法處治若不係臨陣之時不許擅作威福務俾賞罰兩得其中士氣不致撓沮本部官奏奉二十一年聖旨是欽此欽遵通行去後今御史胡端又奏朱鑑所言可取要乞便宜陞賞殺罰雖為有理然臣等切

詳大阿之柄不可倒持賞罰之令不可下移夫刑罰出於朝廷者處其常勸懲出于主將者用其權朱鑑所言欲使各州縣守備都指揮俱專生殺而不止於大將苟如所言則是威福下移而啓擅專之端事勢不一而生覬覦之患况今天下多事之時正當明君臣之大義嚴賞罰之號令豈可使威福皆不出於朝廷哉揆之事体尤為不可况本部已有前項奉奏欽依事理難以准行至於命大將統大軍出征之時賞罰之權固不可以不重亦要臨時具奏請

勅施行本部官於奉天門奏奉

聖旨生殺予奪出於朝廷將士臨陣賞罰一時權宜無事之時不許擅專今御史胡端奏要陞賞殺罰與人自專其言未當還着六科看了來說欽此欽遵臣等切惟爵賞刑罰乃天子之大權生殺予奪非臣下所敢預今御史胡端智不逮此止知賞罰足以收人心號令可以一衆志所乞將陞賞殺罰之權假之將臣一節誠爲學識寡陋詞語迂踈志雖在於進言事未合乎至理所擬胡端合當問罪緣係京官及節該奉

欽依着六科看了來說事理未敢擅便謹題請旨

景泰元年五月二十九日

糾劾黨惡情罪

題爲糾劾事該都察院左都御史陳鎰等將推問司禮監太監金英家人李慶等奸惡情由議擬具題節該奉

聖旨這本還着六科參詳明白來說欽此欽遵臣等切照太監金英處權豪勢要之地當惡稔罪盈之時事雖發於家人必歸於元惡舊章斯在顯戮難逃及照左都御史陳鎰王文縱惡長奸畏權避勢置元惡而不問承

君命而不忠厥罪惟鈞實難容恕并該河南道監察御

史及首領官宋瑛張愚等俱合拏問以彰至公臣等欲於景泰元年六月十五日早大班劾奏謹具題知

景泰元年六月十四日

劾大臣違 劾圖便

題爲懷奸方命等事先該巡撫大同宣府左副都御史羅亨信具奏年老不能整理邊務糧儲蒙將監察御史任寧特陞右僉都御史賈

勅代替巡撫去後續該兵部奏 准請

勅任寧就行叅贊武清侯石亨巡邊軍務事畢石亨回京之日任寧仍依 勅巡撫大同宣府又該戶部

奏 准任寧陞官領 勅專爲代替羅亨信巡撫

今石亨奏要同伊回京一節合令遵依前勅就彼巡撫整理邊儲柰何任寧不遵原奉

勅書及節次奏 准事理止憑照會經自隨同石亨回京乃敢自稱大同等處實難巡撫依文回京侯胡寇寧息之日仍依前 勅巡撫等項詞語題知

皇上旣已洞見其懷奸不忍加之以重罪景泰元年五月二十一日奉

聖旨便着他去欽此欽遵經今一月其任寧公然逗遛不行前去 臣等切惟任寧本以尠才驟膺重任正當憂兢夙夜圖報國恩何期大肆奸欺敢方君命

石亨之照會假托奉行 朝廷之 勅旨公然背
逆勤勞罔效叅贊無功石亨具奏要同回京夤緣
之情已著自稱大同實難巡撫專擅之跡難容必
待寧息之方行意存跋扈有事邊方而不進律合
避難不令其回而自回既速之去尚不去懷奸挾
詐罔上欺天是致衰邁老臣更待之未如其請邊
儲急務綜理之久缺其人况今三邊多故之秋正
廢官用命之日方命若此何以使人此而不誅何
以示警合將任寧拿送法司明正其罪以爲人臣
懷奸方命之戒另選忠實剛果大臣一員巡撫大
同宣府誠爲允當臣等欲於景泰元年六月二十

一日早大班劾奏謹具題

景泰元年六月二十日

大班劾方命大臣

題奏爲懷奸方命等事嘗謂懷奸不忠者人臣之大
惡方命不恭者國典之嚴條罪惡旣明章條必正
切照都察院右僉都御史任寧拘拘小器碌碌菲
才驟擢都憲之美官謬當巡撫之重寄所宜憂兢
夙夜圖報國恩何期大肆奸欺敢方君命曩因都
御史羅亨信之年老命任寧以巡撫邊方後因武
清侯石亨之巡邊命任寧以叅贊軍務巡撫乃其

知

職守叅贊出於權宜

勅書既已昭彰臣子自當遵守柰何任寧因見大同警
急輒便自要回京 朝廷之 勅書故行背逆總
兵之照會假托奉行石亨爲之上言夤緣可見戶
部叅詳不允 詔書已行乃敢倔強還朝况且支
吾具奏自稱大同實難巡撫待後寧息方可啓程
似此狂妄之詞足見擅專之意

皇上日月明照雖洞見其懷奸天地仁慈復不忍於加
罪促其疾早前去庶幾圖蓋前愆任寧不此之思
又復孤恩怙寵公然朝謁全無一事可爲故爾逗
遛延經彌月之久跡其罪惡今已貫盈凡在臣僚

孰不疑駭臣等切詳任寧懷奸挾詐罔上欺天不
令其回而自回旣速之去又不去跋扈不道旣已
如斯叅贊無功又何足責是致邊儲急務綜理之
久之其人衰邁老臣更代之未如其請妨賢悞事
罪不容誅况今三邊多事之秋正庶官用命之日
方命若此何以使人此時不誅何以示戒合將任
寧拿送法司明正其罪仍乞另選忠實剛果大臣
一員巡撫大同宣府庶使臣僚有警邊境無虞緣
合問任寧係京官未敢擅便謹具奏 聞伏候

勅旨

景泰元年六月二十一日

操練舍餘

題爲操備緊要事訪得在京軍職官員之家多有弟
男子孫空閑在家者其中有素習弓馬志於殺賊
而不得操練者亦有懶惰好閑其於遊蕩者一家
多或五七人少者亦不下四三人括而盡之可得
萬數臣等切詳此等官舍出自將家多係應襲之
數操練乃其本等况即今聲息緊急京師守備爲
重緊關用人似此官舍縱不能爲隨軍赴敵之資
亦可爲上城守備之用較之去年急用民夫工匠
實爲遠勝乞 勅該部通行在京各府衛所各將
軍職官員之家弟男子姪年二十歲以上不係殘
疾之人或甥婿等項及年未及二十歲情願操練
者各各從實開報并行五城兵馬司排門隣佑挨
究不許隱瞞漏報捏故作弊事發一體治罪挨報
至日陸續送赴總督軍務少保兵部尚書于謙總
兵官武清侯石亨處點選除軟弱不堪外其餘分
撥隊伍另作一營隨軍操練遇警聽候守城把門
調用於中有願隨軍殺賊者聽有功一體陞賞仍
與計議每月量支口糧庶使貧窘者樂於效力其
隨軍操練及關支口糧俱候寧息之日另行奏
請定奪如此則官舍不至於閑曠警急不至於乏人緣
係操備緊要選用官舍事理謹題請

旨

景泰元年六月二十五日

乞正典刑以馭主將

題爲明刑必罰等事該總兵官武清侯石亨等將爲
事都督等官宮聚王喜張斌等開陳情犯乞量復
職事等因其題奉

聖旨宮聚王喜張斌情犯深重論罪本饒不得如今用
人之際且都饒他降做指揮僉事着在營操練遇
警調用待有功時來說該衙門知道欽此欽遵照
得宮聚等俱係 朝廷將臣叨受邊方委托孤恩
負國罪惡貫盈或畏縮退怯而大悞軍機或貪淫

醜暴而累干邦憲原情論罪死有餘辜數內宮聚
害軍殃民俗師玩寇括索金銀器皿動以百千失
陷軍民人口不下萬數激變蠻夷而貴州幾至於
失守拘收婦女而土官亦被其征求結怨西南流
毒未已欽惟

皇上明斷雖曲宥斬罪仍降職令其立功王喜雖降所
鎮撫尚被囚繫其宮聚刑部追贓完結明正典刑
此誠至明大斷正法度以恪遵

祖訓示操縱以收繫人心端在是矣今石亨等妄奏前
因熒惑

天聽臣等切詳貪淫酷暴罪猶止於一身激變失機禍

將貽於天下將臣之罪至此已極此而可容尚何
可罪使宮聚果於驍勇尚無可用之理况其無謀
無勇人所共知觀之王驥累次奏詞昭然可見又
惟國家多事固急於用人恩威所臨尤嚴於賞
罰威不可以徒行必威行於一人而千萬人惧恩
不可以濫加必恩加於一人而千萬人悅賞罰既
明則人心無不服人無不服則號令必行事功易
立醜虜不足平而治平之期可立致矣伏望

皇上始終此明始終此斷將宮聚等各照先次該衙門
奏奉 欽依發落庶下有合乎公論上無累於

聖明及照石亨楊洪等素擁重名叨膺大寄未聞有保
民衛國之奇計而乃有黨邪舉濁之私心歸怨於
人歛恩於已數內張軌先與宮聚同事竟亦均無
成功副使李睿等累次上言臣等各衙門亦嘗劾
奏

聖恩寬大尚緩誅夷今又同流合汚以類相聚輒敢朦
朧會奏顯有朋比重情律以至公俱合拏問 臣等
至愚職居言路當四郊未寧將臣用命正信賞必
罰之時勸懲所關事非細故不敢緘默緣係節節該
奉 欽依該衙門知道及石亨等係應議軍職未
敢擅便謹題請

旨

景泰元年七月二十日

糾劾妄冒乞恩

題爲乞恩事該錦衣衛指揮使劉源等題據署所鎮撫事總旗閔肅呈稱署事年久乞爲奏請授職等因題奉

聖旨與他實授所鎮撫兵部知道欽此欽遵查得先該錦衣衛署所鎮撫百戶所事總旗李忠閔肅等俱奏前因正統十一年三月二十八日該通政司官奏奉

太上皇帝聖旨不准再來打攬不饒還着科裏記着欽此欽遵今照閔肅明知前項

旨意不准授職却乃隱匿朦朧希求實授合當拿送法司問罪革去職以警其餘職事緣有前項題奉欽依事理伏望

聖裁及照指揮使劉源等不行明白查勘輒便信憑閔肅呈文扶同具奏亦合拏問再照李忠閔肅等先

前具奏通該四十名合無兵部查理奏請定奪庶免聞風做做打攬不便緣先節該奉

太上皇帝聖旨還着科裏記着及今該奉欽依與他實授所鎮撫并係查理定奪事理及閔肅劉源等係軍職未敢擅便謹題請

旨

景泰元年七月初八日

糾劾私議

題爲公議事景泰元年八月十一日早朝退後有侯伯尚書都御史侍郎等官石亨王直胡濙等於午門前群立聚看揭帖一箇看畢有言是

朝廷大事當封進者有言不必封進者言畢各散去臣等切惟在朝言朝載諸禮經公事公言昭在史冊今各官所看揭帖旣稱係

朝廷大事所關又非告言人罪及已將入內府不當隱匿所擬前項揭帖今當追出進呈臣等職居言路豈敢容默謹題請

旨

景泰元年八月十五日

請肅禁垣

題爲禁約事照得長安左右門外東西朝房係是各衙門官員待漏候朝之所切近禁垣至爲嚴密四

方萬國之人朝覲會同出入金門觀瞻所在近訪得有等吏典人等將帶家小在內安下損壞牆

壁者有縱容街市諸色人等在於廊房攤列買賣喧鬧作踐者甚至有縱容無知小人彈詞課命妄

談禍福全無忌憚者若不禁約非惟禮法有乖實

爲觀瞻不便乞

勅錦衣衛督令兵馬司官嚴加禁約差人巡視今後如有仍襲舊弊似前作踐損壞及喧鬧溷瀆者拿送法司究治庶幾公廨無損壞之虞門禁有肅清之美謹題請

旨

景泰元年八月十八日同出八金門

題為薦舉事臣等欽奉

旨意申明薦舉將臣事除欽遵外照得先該鎮守寧夏總兵等官都督張叅都御史韓福都指揮態震等連名奏保寧夏衛支俸協同都指揮管操署指揮

使王勛在彼三年有餘莅政公勤謀畧超異弓馬慣熟讀書明理善撫士卒堪以任用乞實授署職等因各題未蒙 准理今臣等訪得王勛委有前項謀勇允如各官所奏乞

勅兵部合無將王勛照例行取前來試驗擢用惟復量陞署職仍留在彼管事庶幾賢能有勸邊境得人矣緣係薦舉事理謹題請

旨

旨

奏為陳言科舉事洪惟
皇上龍飛之初開科取士鄉試已畢會試在邇臣等叨
居言路今將合言事件開坐謹題請
旨

一、件至公取士事節該欽奉
詔書科舉歲貢自景泰元年為始依永樂年間例
行不許更改欽此欽遵照得永樂年間以來會

西垣奏草卷之六

皇明名臣正議大夫資治尹吏部左侍郎謚文莊崑山葉公存稿

奉議大夫同知衢州府事廕孫葉夢淇刊行

詳請科舉條件

題為陳言科舉事洪惟

皇上龍飛之初開科取士鄉試已畢會試在邇臣等叨

居言路今將合言事件開坐謹題請

旨

一件至公取士事節該欽奉

詔書科舉歲貢自景泰元年為始依永樂年間例

行不許更改欽此欽遵照得永樂年間以來會

試取士未嘗以名數拘亦未嘗以地方論迨至宣德年間始以湖廣江西浙江福建廣東南直隸蘇松常鎮淮揚等處爲南數以山東山西河南陝西北直隸爲北數又以四川廣西雲南貴州南直隸安慶鳳陽滁州和州廬州爲中數正統年間始定額數或百名或五十名皇上詔書特下首及取士此誠遵守成憲進用賢才公天下之盛心也士生斯世何其幸歟前件乞

勅該部一依永樂年間事例取士惟善是從不拘數目之多寡不論地方之南北如此則舊典得

以遵行科目得以增重

一件儲養賢才事

聖朝

列聖相承一以儲才爲致治之本永樂宣德正統年間每遇進士登科必拔其資質聰敏年力少壯者入翰林院爲庶吉士俾之讀書學古大其已成之才以資任用

皇上臨御尤重儒術是以凡在橐中士夫莫不感恩思奮前件乞

勅該部將明年進士照依永樂宣德年間事例會官選拔不拘地方南北送翰林院爲庶吉士特

加獎勵隆其禮遇仍命老成儒臣嚴切考校務
底成效其進士有年三十歲以上學問老成有
志入選者聽其自陳亦許收錄如此則 國家
無乏才之慮治道有隆盛之美矣
一件進士資格事伏惟

太祖高皇帝欽定進士出身資格第一甲三名從
六品正七品出身第二甲從七品出身第三甲
正八品出身其後欽除特選第二甲第三甲進
士多有不拘品秩逕授要職者俱有成例近年
在外知州同知止於監生內除授進士止於第
三甲除知縣緣知州同知知縣俱係親民守令

要職必須慎選方可得人而民受其惠看得近
年進士除知縣者其得人徃徃十常八九惟知
州同知未聞以進士除授似有未至前件乞
勅該部今後進士除授除京官有缺照補補員外
其在外員缺監生除授不敷乞將進士第二甲
除知州同知第三甲除知縣仍令所司候明年
會試臨期奏請增廣解額多取進士以備擢用
如此則內外得以均重守令可以得人

一件隨材用人事 朝廷設國子監以教育天下
英才爲監生者皆以賓興鄉薦而來作養旣久
或發身甲科或資選選用豪傑之士徃徃不乏

其人近年以來大廷魁選多出國學育材之効昭然可見然其間資次入選監生必待在監近八九年方得分撥各衙門歷事滿日除授在京或給事中御史主事在外或府同知知州等職所用甚不輕也訪得在監肄業及各衙門歷事聽選監生其間資次將到年月將及誠恐一時不利中在副榜所司又不准告俯就教職自負其材不敢入試者甚多緣前項監生若令一槩授以教職不惟虛其坐監年月之久抑其抱負涵養之氣而亦未免有滄海遺珠之嘆也前件乞

勅該部今後在監肄業及各衙門歷事聽選監生入試如有中副榜其願授職者聽其不願者許其自陳在監肄業者仍舊肄業各衙門聽選歷事者亦仍舊歷事聽選出身如此則任官得以不枉其才人材得以各遂其志

景泰元年八月二十七日

開豁軍伍

題爲軍政事查得洪熙元年正月十五日欽奉

詔書自洪武至永樂年間有克軍擺站等項後因舉保復起爲官或見任或在任病故或以理去官皆免其戶下子孫補役見任年七十之上筋力衰憊者

亦許引年致仕開其軍伍欽此欽遵訪得前項人員或因子孫貧弱不能告理或因所司刁蹬不與除豁其子孫至今克軍不缺切詳此等官員先雖爲事克軍後蒙舉保復用必其罪有可矜而才有可用也旣蒙錄用而子孫仍舊克軍補役實爲可憫及有此等先因爲事克軍後因改調歸併等項編發別衛其原衛因不會開豁仍復勾丁補役所司明知一戶兩處清勾因見事干軍伍不敢與之分豁以致重復被擾徒勞無益况且文移不能杜絕官府被其攪擾深爲未便乞

勅該部行移各處如有此等爲事官員後因舉保復用子孫仍前克軍者許赴巡按清軍御史處陳告仰有司着令該管里老親隣人等從公明白體勘果無虛冒申達兵部轉行該衛照依先奉

詔書事例即與開豁免其子孫補役其兩衛勾補者亦與體勘分豁如此則一朝廷有罰弗及嗣之仁詔書有令出惟行之信謹題請

旨

景泰元年九月初八日

處置軍政

題爲軍務事景泰元年九月十五日奉通政司帖文該兵部題前事節該奉

聖旨軍政之事時常清理方得人用人既年久未曾整理如今在外見有御史等官在內各衛所亦差御史給事中一發清理務要原伍不缺餘丁數有清切易爲調用欽此欽遵今將推選到給事中二員請

旨點差一員前去會同清理緣奉

欽依差官及係清理軍政事理開坐謹題請旨

兵科給事中二員王鉉 錢樹

景泰元年九月十七日

舉留賢能

題爲舉留官員事照得本科宣德年間有都給事中二員左右給事中二員今本科止有都給事中一員其餘俱缺今照本科掌科事給事中蔣性中守制起取見到緣本官簡靜端潔有爲有守兼且歷任九年將滿練達老成堪以任用即今用人之際乞

勅吏部將本官量陞前職仍復本科辦事便益謹題請旨

景泰元年九月十八日

叅劾邊將不軌

題爲邊情等事切照鎮守甘肅右叅將都督毛忠本

以醜虜餘孽久沐

朝廷厚恩託之叅裨鎮守邊境柰何毛忠不圖恪忠以報國乃敢交結乎奸克曩者賊臣喜寧敗露本官惧罪懷奸託詞自解

皇上曲宥其死仍官其子

天地大德無以復加今者毛忠又復怙恩肆惡陰搆外夷交通之跡旣形叛逆之情難掩神人共怒天地不容今本犯擒拏見到欲於景泰元年九月二十七日大班劾奏謹具題

知

景泰元年九月二十六日

大班劾邊將不軌

奏爲邊情等事嘗謂爲臣盡忠而忠者乃其職分人臣無將而將則必正典刑天地常經古今定理切照鎮守甘肅右叅將都督毛忠本以醜虜餘孽久沐

朝廷厚恩付之叅裨鎮守邊境父子之光榮已極身家之貴富罕倫柰何毛忠不圖恪忠以報酬乃敢交結乎奸克忘恩中國則喜寧之鄙類可疑搆禍外夷則也先之謀爲不軌臣等切詳毛忠等上孤大德自造深愆交通之跡旣形叛逆之情難掩神人共怒中外莫容所擬毛忠等俱拿合送法司明

正其罪以爲人臣陰謀不軌之戒緣係應議軍職
官員未敢擅便謹具奏聞伏候

勅旨

景泰元年九月二十七日

處置軍舍操練

題爲軍政事先該本科題前事訪得在京軍職官員
之家多有弟男子姪空閑在家者其中有素習弓
馬志在殺賊而不得操練者亦有懶惰好閑其於
遊蕩者一家多或五七人少者亦不下四三人括
而盡之可得萬數臣等切詳此等官舍出自將家
多係應襲之數操練乃其本等况卽今聲息緊急
京師守備爲重緊關用人似此官舍縱不能爲隨
軍赴敵之資亦可以爲上城守備之用較之去年
急用民夫匠作人等實爲遠勝乞

勅該部通行在京各府衛所各將軍職官員之家弟男
子姪年二十歲以上不係殘疾之人或甥婿等項
及年未及二十歲情願操練者各各從實開報并
行五城兵馬司排門隣佑挨究不許隱瞞漏報捏
故作弊事發一體治罪挨報至日陸續送赴總督
軍務少保兵部尚書于謙總兵官武清侯石亨處
點選除軟弱不堪外其餘分撥隊伍另作一營隨
軍操練遇警聽候守城守門調用仍與計議每一

月量與口糧庶使貧窘者樂於効力其隨軍操練
及關支口糧俱候寧息之日另行奏請定奪如
此則官舍不致於閑曠緊急不至於乏人具題景
泰元年六月二十五日奏奉

聖旨兵部知道欽此續該兵部議擬目今邊務方殷正
係緊關用人之際合無准擬取勘等因已經奏

准通行去後續又該兵部題稱在京各衛所取勘止報
到第男子姪九百二十名送營操練中間有不全
開報者有止報委官職名無人送到者况在京七
十六衛所額設并多餘帶俸官員不下數十餘萬
其家下人丁奚啻數萬如遇承襲職事其無親男

者多將堂兄人等保送襲替其至選堪用之人通
不及一千之數顯是近年以來武備懈弛人無警
懼以致互相蒙蔽不行盡數報出合無再行定限
取勘務要前項官舍見數清切造冊連人送部斟
酌選揀堪中者送營操練不堪者退回生理幫貼
軍裝等因又經奏准通行去後續又該兵部題
在京各衛其并造到舍人冊內有不開本衛見任
及帶俸官員若干者有見在數少事故數多者有
止開舍人而不開空閑事故若干者有具奏而不
將文冊送部者有將人丁隱漏不報者且如羽林
前衛百戶張勝下第男叔張貴等六丁俱各不行

造報即今張勝雖已自首誠恐似此埋沒者多顯是衛所官吏不以軍務爲重仍前隱蔽不行造報并在京各衛見任并帶俸官動以萬計延今取勘日久送營操練者不及二千中間情弊顯然合行清軍御史給事中將前項舍人重別取勘造冊具奏送部以憑酌量揀選官下丁多精壯者量取送營操練若丁少及軟弱等項聽其自在生理幫貼軍裝其應襲舍人務要一体送操以備日後襲替調用等因又經奏准通行去訖臣等切惟本科陳言止因向時警急之人要將官舍選用寧息之日另行定奪兵部節次擬奏申明無非要將官舍數目明白清出不致隱瞞待後數目清切之時斟酌揀選丁多之家精壯之人量送操練其丁少軟弱等項悉聽自在生理幫貼軍裝俱有前項節次奏准明文通行各該衙門昭然可考柰何自行取勘以來今經三月之餘報數尚未清切送操不及二千今却訪得在京官舍人等其中有等徃徃詭稱如今要將官舍人等不分多寡不論強弱盡數清出見丁操練妨誤生理不能寧居人情洶洶似爲不堪究其所由蓋因衛所官吏不惟夤緣蒙蔽欺公玩法又且不將

朝廷事體上司明文曉諭下人使其意以致愚下

之人張皇驚疑易惑難曉 國家當行大事固於
言不恤然即今邊事稍寧之時正安靖人心之日
流言若此誠爲未便乞
勅兵部通查前項節次具奏

旨意明文備榜於在京各衛所及街市去處張掛通行
曉諭遵守既不許虛傳妄說搖惑人心亦不許倚
法爲奸沮壞兵政如此則兵戎之大事可行愚下
之流言自息緣係申明軍政及出榜曉諭事理謹
題請

旨

景泰元年十月初三日

叅劾奏事失當

題爲奏事失當事景泰元年十月二十一日早該鴻
臚寺序班王恕引南京左府舍人唐智齋本二封
奏 聞訖送科看得內奏一本軍職官員事啓一
本歷事監生事係是各別事情一則有奏無啓一
則有啓無奏本科雖已收發抄行緣事屬違式又
恐所司難以奉行未便叅照南京左府掌府事駙
馬都尉趙輝經歷司經歷沈孟範封章上陳誠敬
何在有事啓而不奏甚失尊君之禮若不明正其
罪無以警戒將來乞

勅南京都察院行提趙輝沈孟範問罪如律以警將來

緣趙輝等係應議及京官未敢擅便謹題請

旨

景泰元年十月二十四日

叅劾邊將不和

題爲風憲失職等事該寧夏叅贊軍務都察院右僉都御史韓福題遵奉建言事理體訪到總兵官都督同知張泰無謀無勇等情該通政司官奏奉

聖旨該衙門知道欽此近又該韓福具題前情該兵部官節次欽奉

聖旨韓福與張泰在邊未聞協和効力行事却常互相矛盾攪擾

朝廷已有勅切責他去了欽此查得先該張泰奏大監來福都御史韓福都指揮熊震等朋合誣陷及來福家人指揮福海馮友才等賄賂相通等情該兵部官看詳覆奏等因奉

聖旨來福張泰命克鎮守總兵自合協和行事却乃循私互相矛盾韓福職居臺憲不能正已如何正人罪本難恕念他守邊且姑容不問便寫勅去切責今後再不遵守法度協同行事都不饒福海馮友才着巡按御史拿問明白照例發落干碍熊震周英奏處置欽此欽遵此誠

皇上軫念邊方天地之德洞燭奸弊日月之明法度幸

甚今該韓福累題前因臣等參照韓福久孤民牧
託預薦章本無統馭之才曷稱激揚之任濫保無
功千戶則輕名器而厚私恩邀截伸訴指揮則徇
權豪而妨公道來福既貪婪剝下一向交結而不
言張泰既怯懦失機當時蒙蔽而不奏後因張泰
陳情舉奏不法方纔據拾張泰掩飭已非况韓福
係風憲大臣受任邊方參贊自鎮守以下官員大
小一應事務凡諸糾奏興革俱係職分當爲却言
爲有建言事理遵奉體訪將使無建言事理則體
訪之不聞使非張泰舉奏亦據拾之未暇且其所
奏全無指陳實跡止是虛飾繁文自矜廉能自叙
履歷宥免芥越則字義莫辨豈盛任使則文理不
通孫吳張許之援引無稽虎噬螳視之聾牙難讀
敢違直言簡易之律甚非臣子告君之言似此庸
才實難長憲臣等又聞天時地利不如人和將臣
不和兵家所忌今者黠虜之狡譎未已寧夏實三
邊要衝張泰韓福等平居守土尚爾失和萬一有
警豈不壞事雖蒙

皇上勅旨切責俾之自新誠恐各官不務改悛愈加相
忌况庸才如韓福者終非稱職伏望

聖明急選剛正廉能大臣一員前去寧夏代替韓福回
京拏送法司究問仍選差廉幹御史一員前去體

訪韓福所奏張泰事情明白回奏定奪庶使邊臣
知戒土地無虞緣係糾奏風憲失職及選差官員
事理謹題請

旨

景泰元年十一月初二日

糾劾將臣私相請托

題爲僨運糧儲事該總兵官都督徐恭題查得遮洋
運糧南京水軍左等衛官軍正欲催併船兌糧缺
官管理訪得署都指揮侯端見在京操備堪以把
總運糧欲便摘委等因該通政司官奏奉

聖旨兵部知道欽此查得先該本科官訪得侯端勇力

過人曾却倭寇照例舉薦總兵官試驗得膂力絕
倫弓馬熟閑兵部官議擬具奏

欽陞前職正係在京緊用專一聽調殺賊人數今徐恭
輒便訪保要令把總運糧且言欲便摘委顯有專
擅之心不無請托之弊乞

勅兵部看詳奏請定奪庶任用得宜奸弊不作謹題
請

旨

西垣奏草卷之六

音

音

德文指義精要

音

音

入聖備門

音

音

西征奏草卷之六

六



欽定古今圖書集成

禮儀典

卷之六

西征奏草

卷之六

奏草

卷之六

奏草

